

粵雅堂叢書

粵雅堂生書

漢書地理志稽疑卷五

甬上全祖望著

王子功臣外戚恩澤三侯表其封國地理在本表可
案者不過十之四而質之地志則多異索隱于史記
註中補之幾得十之八然亦有明在地志而反爲所
遺至其旁引晉書地道記又多所誤者予稍爲之摭
拾其後其不可攷者則闕之並采酈道元張守節樂
史胡三省之言相爲疏證以附地志之後庶亦有補

哉

索隱曰凡地志所無者或故縣而後省或是鄉邑名

堯頡

其地不著張守節引括地志以爲山名在上
谷案漢人分土西不過西河上郡北不過涿
郡中山其極邊之地不以封堯頡獨破例者
欲就此山名也地志無荀記作括堯者謬
乃郃陽也索隱曰馮翊地志有樂史曰信都
不足信

合陽

沛

酈道元曰沛郡地志有

德

本表曰泰山而索隱曰漢表在濟南然則今
本誤也但今本自宋以來皆作泰山攷功臣

表則屬濟南者是也地志無

上邳

道元曰薛縣地志無

朱虛

索隱曰琅邪地志有

東牟

索隱曰東萊地志有

管

流俗本誤作管索隱因以滎陽系之非也道

元曰濟南管縣于欽然之地志有

氏邱

史記作瓜邱索隱曰魏案地志無瓜邱亦無

氏邱但有斥邱耳斥邱故魏也

營平

索隱曰表在濟南然則今本脫也史記無平

字道元亦同地志無

楊邱

道元曰濟南則陽邱也古文楊陽本通史記
倉公傳楊虛亦作陽虛是其證已藝文志陽
邱侯偃尤可據地志有

楊虛

道元曰平原引地志以證之而地志無其文
胡三省曰不知所謂地志者何志也齊召南
曰地志平原但有樓虛蓋今本誤楊爲樓耳
子攷功臣侯表成帝時有樓虛侯訾順則齊
說又未合且東京以楊虛封馬武而續志亦

無其縣蓋不可攷矣要其地當不離乎平原
高唐之閒以其爲商河所自出也

枋

索隱曰平原地志有

安都

張守節曰高陽則涿郡也地志無

平昌

道元曰琅邪索隱曰平原而張守節曰上谷

則誤以爲昌平矣地志平原之平昌曰侯國

武成

索隱注齊世家曰平原地志無

白石

索隱以爲金城謬也是時河西未開安得封

國于匈奴城中且旣開之後亦未嘗于河西

有封國也張守節曰在安息然則平原之鄉名是矣地志無

阜陵

索隱曰九江地志無

安陽

道元曰汝南是也索隱曰馮翊案地志汝南

之南陽曰侯國而馮翊無安陽

案南陽應作安陽

陽周

地志屬上郡史記本傳及荀記作周陽則屬

聞喜

東城

索隱曰九江地志有

平陸

道元曰陳留引風俗傳以證之以爲建武元

年省入尉氏案地志陳留無平陸或是莽所
置縣而東京省之不可以證漢表也索隱曰
西河又曰東平亦有之胡三省曰東平近楚
爲得之地志有

休

胡三省曰孟子去齊居休卽富所封地志無

紅

杜預曰紅卽虹縣地志有

沈猷

本傳作沈猶索隱曰漢表在高宛然則今本

脫地志無

宛胸

索隱曰濟陰地志有

棘櫟

地志無疑是春秋之棘櫟也

乘氏

索隱曰濟陰地志有

桓邑

亦作垣然恐非河東之垣縣也地志無

茲

地志琅邪有茲鄉英布傳豫章亦有茲鄉未

知所封

安成

本表曰豫章地志無案王莽時有安成侯張

普者亦封其地蓋卽長沙之安成也

宜春

地志屬豫章

句容

本表曰會稽地志有

容陵

史記作句陵亦當在句容界中地志無

杏山

地志無

浮邱

本表曰沛地志無

廣戚

地志屬沛曰侯國

丹陽

本表曰蕪湖然則是時丹陽尙未置縣也凡
本表如此者甚多地志有

盱台

地志屬臨淮

胡孰

本表曰丹陽地志有

秣陵

地志屬丹陽

淮陵

當從史記作睢陵故本表屬淮陵蓋其時睢陵尚未置縣也地志有

張梁

地志無

龍邱

本表曰琅邪地志無

劇

道元曰北海案菑川亦有之而地志屬北海

者曰侯國

懷昌

史記作壤無昌字案懷字當是博字之訛千

乘縣也地志有

平望

地志屬北海

臨衆

本表曰臨原地志曰侯國

葛魁

徐廣曰葛一作莒則城陽也地志有賈逵曰

川阜曰魁

益都

卽地志之益縣

平的

索隱曰北海地志曰侯國

案的史記作酌

劇魁

索隱曰北海地志曰侯國

壽梁

本表曰壽樂地志無壽梁惟周勃傳注有之

索隱以爲東郡則卽壽良也古文梁良本通

而地志亦並無壽樂不可攷

原案壽良本壽聚見水經注汶

水篇當
是聚字

平度

索隱曰東萊地志有

宜成

本表曰平原而地志屬濟南曰侯國本表誤也

臨朐

本表曰東海而地志屬東萊案東海是朐東萊是臨朐本表誤也

雷

本表曰東海而道元曰是城陽之盧縣案職方兗州其浸盧濰康成讀盧爲雷則古文雷盧本通而東海與城陽接界故有移屬乎本

表如此類者甚多 沈炳弢曰東海有昌盧

地志曰侯國或卽此盧也

東莞

索隱曰琅邪地志有

辟土

本表曰東海史記無土字道元曰卽城陽之

辟陽地志無

尉文

本表曰南郡徐廣曰卽趙封廉頗地案此乃

趙敬肅王子所封當是廉頗故邑然七國時

不應有越界之封則疑是魏郡之譌也張守

節曰蓋蔚州地亦意度之地志無

封斯

索隱曰常山地志曰侯國

榆邱

地志無

襄

本表曰廣平地志無

案表與史記皆作襄囂今但作襄者恐是脫文

抑以囂為諡耶

邯鄲

索隱曰魏地志曰侯國

朝

地志無

東城

見前

陰城

卽地志南陽之陰縣也師古曰今襄城有陰

城縣是已

廣望

索隱曰涿地志曰侯國

案史記作望廣

將梁

本表曰涿地志無

薪館

本表曰涿地志無

案薪史記作新下薪處之薪同

陸成

索隱曰志屬中山表屬涿案涿有成縣疑此

誤加一陸字

案成今本作城史記作陸城

有辨見後

薪處

本表曰涿而地志屬中山

蒲領

本表曰東海誤也乃是勃海地志曰侯國

西熊

地志無

棗强

索隱曰清河地志有